

Ivana Sopić  
apsolvent na Arhitektonsko-građevinskom fakultetu  
Arhitektonski smjer  
Univerzitet Banja Luka

## Praksa u Salvadoru (Bahia) – Brazil

Kada sam dobila praksu za Brazil, izabrala sam grad na obali, Salvador (3 mil.stanovnika).

Nalazi u pokrajini Bahia, a oko 1500 kilometara sjeverno od Rio de Janeira (2.5h avionom ili ko voli busom oko 36h)



To je prvi grad otkriven u Južnoj Americi, tako da je većinsko stanovništvo afričkog porijekla. Pored katoličanstva ( u Salvadoru postoji oko 365 crkava, a kažu za svaki dan po jedna), imaju i jaku afričku religiju (postuju više božanstava), a istovremeno mogu biti oboje.

Imaju bogatu kulturu i skloni su umjetnošću. Grad je preplavljen prodavačima muzičkih instrumenata, nakita, ukrasnih predmeta i sl.. Svi nešto sviraju ili plešu. Specifičan ples iz ovog dijela Brazila je “capoera”, nešto kao ples i borba, i gotovo da svi muškarci plešu ovu vrstu plesa, a u sambu se ne zna da li muškarci ili žene bolji.

Kako svaka pokrajina u Brazilu, tako i Bahia se odlikuje svojom specifičnom hranom. Imaju toliko drugačijeg voća i povrća, da mi je trebalo najmanje mjesec dana da bar upamtim mali dio toga. Što se tiče jezika, ništa nisam kontala (naravno!), i nisam znala šta je ime hrane ili vrste muzike ili naziv ulice, sve je bilo nekako isto.



Ovaj dio Brazila je siromašniji nego jug, i kao i u svakom drugom gradu ima dosta favela (siromašnih četvrti), koje se isprepliću sa ostalim dijelovima grada.

U ove dijelove se ne preporučuje ići ukoliko ne poznajete nekog.

Kažu da su plaže u ovom dijelu Brazila jedne od najljepših i da Brazilci dolaze ovamo na ljetovanje..Ovdje je stalno ljeto, jer je bliže ekvatoru pa je stalno toplo, jedino sto imaju dosta kiša u julu, a najviše padavina je u januaru.



Što se tiče mog posla, radila sam u privatnoj firmi URPLAN, koja se bavi projektovanjem, restauracijom i urbanizmom.

Šef mi je bio Njemac, a imao je zaposleno dvoje mladih arhitekti iz Bolivije i Kube, jednog Brazilca i mene iz Bosne, ma totalni internacionale.

Šef, koji je arhitekt i urbanista, ima glavnu ideju i daje smjernice svojim arhitektima pomoćnicima, i oni to dalje razrađuju, a ima studente koji sve to iscrtavaju na računarima. Ponekada šef može da traži od studenta da malo upotrebi svoju kreativnost, ali da ne odudara od njegove početne ideje. U mojoj firmi se sve radilo u AutoCAD-u, pa i 3D.

Sa ljudima sa posla je bio ok odnos. Svi su jako susretljivi i voljni pomoći, ako nešto nije jasno.

Praksa u Brazilu podrazumijeva smjestaj u porodici. Imala sam sjajne ljude oko sebe, koji su me prihvatili kao člana porodice.

Moja porodica je imala dvije kćerke, od kojih je jedna student arhitekture, što je bilo fenomenalno, jer mi je mogla objasniti mnogo toga.

Ljudi tamo su mnogo pozitivni i pravi veseljaci, mnogo su ljubazni. Možda je to od mnogo sunca.....uglavnom, sve je opušteno.

